



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Periodu : Juñu 2009

Edisaun : Juñu 2009

Prokurador Substitutu la Marka Prezensa, Julgamentu Adiadu

Bazeia ba orariu ne'ebe hasai tiha ona Tribunal Distrital Suai katak julgamentu ba kazu homisidiu tentative ho numeru 14/c.ord/TDS/2008 sei hala'o iha loron 10 Juñu 2009 maibe la konsegue realize tanba Prokurador ne'ebe toma konta ba kazu ne'e sei iha relasaun familia ho arguidu (arguidu hanesan subrinho husi prokurador) bazeia ba iha Kodigu Penal artigu 39 pontu (a) Kodigu Penal katak *Juiz sir abele halo diskualifikasaun antes halo julgamentu husi kazu ruma wainhira sira sei iha relasaun familia, hanesan regula tiha mos iha artigu 51 pontu (a) katak formas konaba diskualifikasaun no deskonfiansa ba Juiz bele aplika mos ba ih Ministeriu Publiku hodi halo adaptasaun ba buat ne'ebe mak presiza.*

Prokurador ida ne'ebe ninia residencia iha Dili hetan nomeiasaun hodi sai hanesan substitute ba Prokurador antes, la konsegue marka prezensa iha Tribunal Distrital Suai tanba kondisaun saude la permite (moras). Bazeia ba observasaun JSMP katak maske arguidu, vitima, nomos testemunha sira marka prezensa hotu iha tribunal atu tuir julgamentu, maybe parte administrasaun ne'ebe hala'o nia kna'ar aviza katak julgamentu adiadu. Wainhira JSMP husu konaba orariu ba kazu ne'e, ofisial da justisa ne'ebe hala'o kna'ar dehan katak la serteza ba orariu tanba konforme husi Juiz sira ne'ebe mak kaer kazu ne'e ne'ebe sira hotu hela ka residencia iha Dili.

JSMP persebe limitasaun atór tribunal (Prokurador, Juiz, no Defensor Publiku) iha tribunal distrital hotu, ekseptu Dili, nune'e sempre akontese adiamentu ba julgamentu wainhira atór ida la marka prezensa ka hetan xamada ne'ebe ita la hatene, antes julga kazu ruma

komesa. JSMP rekomenda katak tuir loloos tenki tau atór tribunal ne'ebe suficiente iha tribunal distrital sira tomak nune'e bele responde problemas hirak ne'ebe mosu derepente.

JSMP mos lamenta ho lamentasaun ne'ebe mai husi Ofisial de Justisa konaba limitasaun funsionariu atu hato'o notifikasaun ne'ebe inklui distritu Bobonaro, Same, Ainaro no Suai hanesan ho area judisiariu Tribunal Distrital Suai ninian. JSMP mos rekomenda ba Ministeriu Justisa atu rekruta lalais adisaun funsionariu nune'e bele hakma'an no halo lais prosesu julgamentu ba kazus ne'ebe mak regista tiha ona iha Tribunal Distrital Suai.

Atu hetan informasaun kle'an favor kontaktu:

Luis Olivera Sampaio

Direitor ezekutivu, JSMP

Diresaun E-Mail: Luis@jsmp.minihub.org

Landline: 3323883